

محمود البحيرى

غواص فى بحر الألم

أشعار

صدرت الطبعة الثانية فى أغسطس 2018

بطاقة الكتاب

عنوان المؤلف : غواص فى بحر الألم
المؤلف : محمود البحيرى
التصنيف : أشعار
رقم الإيداع : 2018-13123
الترقيم الدولى : 978-977-6656-37-5
عدد الصفحات : 100 صفحة
رقم الإصدار الداخلى : 213 (الطبعة الثانية أغسطس 2018)
مدير دار النيل والفرات فرع القليوبية الشاعر مسعد خليل
تصميم الغلاف : الشاعر محمد الساعى

جميع حقوق الطبع والنشر محفوظة للشاعر، ولا يحق لأى دار نشر
طبع ونشر وتوزيع الكتاب الا بموافقة كتابية وموثقة من الشاعر

دار النيل والفرات للنشر والتوزيع

ثورة مصرية تشرق إبداعا على الوطن العربي

رئيس مجلس الإدارة

ناجى عبد المنعم



رخصة مزاولة مهنة: 58365 - سجل تجاري: 13242 / 2017 - بطاقة ضريبية: 35-01-572

عضو عامل باتحاد الناشرين المصريين رقم 941 لسنة 2018

هاتف: 01011256943 - 01116202218 - 01202541192 تليفاكس: 020554372901

البريد الإلكتروني: alnilwaalfourat@gmail.com [alnilwaalfourat](https://www.facebook.com/alnilwaalfourat) [alnilwaalfourat](https://www.instagram.com/alnilwaalfourat)

المقر الرئيسي: م.م. محافظة الشرقية - العاشر من رمضان - مجاورة 13 - امام سنتر الد13 - عقار 304

م.م.ج. محافظة المنيا - أبو قرقاص - شرق التربة - خلف محطة السكة الحديد - هاتف 086214428

م.م.ج. محافظة القليوبية - مركز طوخ - إيمى - هاتف 0132424735

(الفرع)

مقدمة الديوان

القلم هو اول ما خلق الله و قال له اكتب ، و قد كتب ما أمره الله به .

و الشاعر من خلق الله ميزه بالعقل و المشاعر و منحه القدرة على التعبير عن هذه المشاعر.

فامسك بالقلم و عبر و ما تعبيره إلا بأمر الله .

و هذا الديوان خليط من المشاعر الخاصة الوطنية و العاطفية و الحياتية .

كتبتها و انا متأثر بالحالة التي تبدو واضحة في كل قصيدة يحتويها هذا الديوان آملا أن تنل القبول و التقدير ممن يقرأها .
فالقاريء لا يقل أهمية عن الكاتب فلولا ماكان للقصيدة فائدة .

مع تحياتي و تقديري

محمود البحيري.

الإهداء

في الفرح حاسس بالألم
و كأنه هو الأصل
وارث بحور الشجن
و اشربها كيف المصل
ما عرفش راضع نكد
و الا دى سمة العصر
غواص في بحر الألم
هايم فى حب مصر

محمود البحيرى

آه من الأحزان

أحزان ملّت الحياة
و فيها قلبي تاه
و غرقت في بحر قسوة
ما عرفت فين مرساه
دنيا ملهاش أمان
ما فيهاش لمسة حنان
نسقيها من أفراحنا
تسقيننا من الأحزان
لا لا يا دنيا لا
قلبي ما فهش قساة

و لا عمري هازرع قسوة

ولا ها خفض الجباه

رغم الحزن اللي فيكي

و الظلم اللي مغطيكى

هافرشلك قلبي خضرة

و اعمل حبي رواه

راح ابدل الأسية

و الحزن اللي ف عنيه

بالشوق اللي ف قلبي

و الرقة اللي ف إديه

لا لا متصدنيش

عارف ما بتنتهيش

احزان ف يوم و ليلة

و الجرح ما يتنسيش

لكن راح أخلى قلبى
يروى الدنيا بحبي
و ان قلتي ياريت يكفي
حبي ماينتهيش
راح اوشوشك يا أيام
تبدلي الأحزان
و قصاد قلبي المليان حب
متصدنيش.....

غيرك مليش

ياحبيبتي ما تخافيش

غيرك ف الدنيا ماليش

و انتي أغلى حب

له أعيش

راح أعيش وأعيش وياكي

يا حبي يا حياتي

أحلى أيام عمري

و مهما دوبني هواكي

قلبي أفراحه معاكي

و عمري ف يوم ما أخبي

و أخبي ليه و ده مش بإيدي

قلي أعمل إيه ف حبك يا سيدي

حبك دا حلم جميل
له عندي ألف دليل
و ده مش بأيدي
راح أقول للي يلومونا
شوفوا الفرحة ف عينا
من يوم ما جمعتنا
أحلى صدفة ف حياتنا
دا حرام لو يحرموننا
م الفرحة اللي ف عينا
و أحلى حلم ف حياتنا
أحلامنا أحلام جميلة
تبدر نورها ف عينا
أحلام لازم نعيشها
أحلام لازم نعيشها.....

لا

لا ما تقوليش الوداع
مسيرنا نتقابل
طول مالحياء بتضمننا
أنا وانتى نتقابل
كنا زمان متفرقين
و الحب جمعنا
نور حياتنا وقلبنا
و أدي الحياء معنى
و لو هنبعد اكيد
الحب يجمعنا
و صدقيني أنا مش ناسيكي

و لا يوم راح اقدر أنسى هواكي

أنساك بس إزاي

وانتى انا

و انسى هواكي ازاي

و انتى الهنى

أنا لو نسيت روي

مانساك هواكي

مهما يطول بعدك

أملى لقاكي

لا ما تقوليش الوداع

مسيرنا نتقابل

طول ما الحياة بتضمنا

انا و انت نتقابل.....

نداء

ياأيها الإنسان سبح بالذي
خلق الوجود و دبر الأكوانا
الله جل علاه أرسل رسله
تهدي إليه وكرم الإنسانا
عيسى و موسى
و الحبيب محمد
بنورهم قد أشرقت دنيانا
فاعمل باتقان و عزم و همة
تنل رضاه و يكمل البنيانا
تربت يداك يا من ذا الذي
بالخير لا بالشر تعمر الأوطانا

دنياك هانت عند ربك فاتعظ
وأزدد ب زاد الشكر لا الكفرانا
لا خير في علم و لست بعامل
أعمل بعلم تحظى به الرضوانا
أين الملوك التي قد ملكت
صارت ترابا تعتليه خطانا
لكن من يبقى على طول المدى
من كان ذا خلق فطاب مقاما
فالزم خصال الخيرواننى عن الهوى
فالنفس آمرة بشر مكانا
و ان أغتررت بمال أوبعلم أوبمنصب
فاذكر إله الكون يا إنسانا
و ارجع و سبح ثم سبح بالذي
خلق الوجود و دبر الأكوانا...

يحميكي يا مصر

يحميكي يا مصر يا ولادة
لرجال عاشقينك بزيادة
يا عظيمة بروحنا نفديكي
أطفال و شيوخ و شباب قادة
جيشك أبطال رافعين راسك
بين الأجناد هم السادة
محفوظة يا مصر بحفظ الله
إنجيل قرآن أكد هذا
يا جميلة جمال و سادات ولدك
و السيسي علام الأستاذة
حالفين بالله بيقين و إيمان

تبقى قد العالم هذا
و الشعب كمان حالف بالله
للعالم تبقى أنتي قيادة.....

يا ابن مصر

مصر هي أمي و امك
نيلها هو الروح لقلبك
أحلى شاي شاي العصاري
تشربو انت و جارك
مصر هي البيت لعيلتك
مصر دي داري و دارك
يلا نبني حياتنا فيها
بالمحبة مش بنارك
بالعمل تعلا وتعلا
والعمل هو قرارك
كلنا أولادها هي
عزها يحلي مرارك

حبها ينور قلوبنا
حضنها داري و دارك
ابتدت حكايتها لما
ثرت و الثورة قرارك
ثرت ع الظلم اللي فيها
ع الخسيس اللي أثارك
قلنا لازم يمشي منها
كل خاين عاش في دارك
مصر فرحت لما ثرنا
رغم كل اللي جراك
رغم ان ولادها ماتو
كان فرحها مالي دارك
فرحة النصر برجوعك
فرحتك انت برجالك

يلا نبقى رجال بجد
تبني داري و ابني دارك
إيدي و يا إيدك تهد
ظلم جارى وظلم جارك
إيدي و يا إيدك تسد
كل فتحة ظلم ثارك
أيدى و يا اديك تشد
مجد يفخر بيه ولادك
إيدي و يا إيدك هنبنى
مصر احلى من خيالك
مصر هي امى وامك
اغلى من روحى وحياتك
مصر أم حزينه عيدها
لما بيهل هلالك.....

رمضان

شهر القران

..... رمضان

شهر الصيام

..... رمضان

شهر القيام

..... رمضان

شهر الإحسان

..... رمضان

شهر الزكاة

..... رمضان

شهر الإله

..... رمضان
بنصوم رمضان
و نقوم ليله
و ف كل صلاتنا بندعيه
يارب تقبل منا الصوم
و القرآن تقبل ترتيله
رمضان
نستغفر من كل ذنوبنا
و بندعي ربنا يرحمنا
و ف كل سحور
نرفع إيدنا
للسما ربنا يقبل منا
رمضان
أيامه في الطاعة نعشها

لياليه بمحبة ننقشها
بزيارة أهلنا واصحابنا
وف آخره زكاتنا بنخرجها
رمضان
ويهل علينا العيد نفرح
في صلاته نقول الله أكبر
ونقول يارب تعيده تاني
ع المسلمين بأمان و سلام

إلى المرأة المصرية

شقيقتي إيلكن السلام
و كل الشكر كل الإحترام
فأنت الأخت تشاركني المهام
ورقيقة درب تمنحني الأمان
و أم لا يفارقها حنيني
بدونك لا يحلو الزمان
بخيرك لا نيل الأمان
أدام الله للوطن النساء
تؤاذرن الرجال على الدوام
فلا وطن يعيش بلا رجال
ولا حياة له دون النساء

عزيزي

حسن العلاقات دليل الأدب
و حسن أخلاقك يعطيك العلاقات
تابع متابعة الجاد دون أذي
و لا تنسى أن الرفق يزيل المشقات
و كن كما تريد ممن تتابعه
فبالقدوة و الحزم تأتي الكرامات
كن دامجا و ادمج من شئت في أدب
واجعل بخاصتك دون العلاقات
حافظ على بينتك في كل موطن
تعش معافا بعيدا عن كل أفاثي
جرب أمورا لا تضر بها أحدا

كعامل مجتهد بالتجريبيات
وجه ألى الخير كل موجه
فالفن كل الفن في عرض الملاماتى
واذكر بخير اخيك و ادع له
فالكل محمود بذكر الحسناتى
و صلي على طه النبي محمد
تجدد يوم الحشر وقت الملماتى

مش عارف اعيش

مش عارف أعيش حياتي

في بعدك يا حياتي

حاسس أني وحيد

عن نفسي كمان غريب

و تروح الغربة مني

و ألاقيني غصب عني

عايش أحسن حالاتي

في قربك يا حياتي

و ف بعدك يا حياتي

صعبة الليالي عليه

وانت بعيد عن غنيه

و اهاتي تعلي فيه

ويبان الشوق عليه
و تروح كل آلامي
و يسعدني زماني
لما عنيني تاخذني
و انتي معايا حبيبتي
و ليلاي أسهر أنادي
رب يرحم فؤادي هو عالم بحالي
و اللي م الشوق جوالي
و اسمع صوت من بعيد
بيقول فرجه قريب
أعرف أني و انتي
لبعض يا حبيبتي
و ساعتها أعيش
حياتي بقربك حياتي

التحدي

التحدي يعني نور

ببيه نعدي ألف سور

من سجن الوحدة

لنور الاجتماعية

من جسر الصمت

لبر الحرية

مع شمس العلم تموت الأمية

بعملنا نعبر عن ذاتنا

بالحب نعيش الوطنية

أسمع ما اسمعش الصوت طالع

أشوف ما أشوفش النور والع

بإرادة و عزيمة قوية أتحدى قيود العبودية

نور الأمل

ماشي بنور الأمل
في الدنيا أنا وحدي
من ضعفي واخذ قوتي
و لعجزي متحدي
أمسح بإيدي دمعتي
و لا كان في يوم ذنبي
إني أكون مسجون
و الناس كثير جنبي
و التهمة إني معاق
و الصمت زنرانتني
و المجتمع سجاني

و العزلة دي مدينتي
يا هو انا زيكم
بافرح و بتألم
وارفض كما الغلط
و اصرخ و اتكلم
و اشوف بنور البصيرة
و افهم و اتعلم
علمتكم لغتي
وبأحيي و بأسلم

صرخة

يصرخ جوايا صوتي
مالي العالم سكوتي
رب هو اللي باري
وحده عالم بحالي
فيها إيه لو تفهموني
بكلامي اللي ف عيوني
أنا طيب الملامح
باغفر و اعفو واسامح
قلبي مليون مشاعر
ما يغركوش سكوتي
جوه القضبان جروحي

فرحي ألمي و نوحى
مدوا إيديكم خدوني
انا منكم ليه تسيبوني
وحدى وسط الشوارع
أحكى ما حد سامع
فى عيونى بيان كلامى
مش لازم أعلى صوتى

بسم الله الرحمن الرحيم

بسم الله القوي المتين

بسم الرسل و الأنبياء أجمعين

بسم الشعوب و الأمم و كل دين

حرروا العالم من الخوف و الضياع

إزرعوا الأمن في ضلوع كل الجياع

بدلوا نار الحروب بالسلام

طببطبوا بإيديكو على كل الآلام

ابدأوا بالخير تلاقوا الله معين

يرضى مين أن القوي يهد الضعيف

ناس في أمن تعيش

و ناس في قلوبها خوف

طفل فرحان ويا أمه
و طفل تاني في ليل مخيف
بنت في الحرية عايشة
و بنت تانية ماليا خوف
أبدأوا بالخير تلاقوا كل ما في الكون معين
ليه بنبني قبورنا و نهدي البيوت
ليه بنخفق صوتنا و بنحيي السكوت
ليه بنسعى للدمار و الخراب
ليه نحول كل حلم جميل سراب
أبدأوا بالخير تلاقوا الله معين

الدنيا

الدنيا فيها ناس
قلوبها زي الماس
لكنهم مساكين
و ناس قلوبها سواد
خالیه من الإحساس
لكنهم ناسيين
رب العباد عادل
عنده ميزان حساس
يحكم ما بين الإثنين

مصر لكل المصريين

راح تنتهي باليل

و يجي الفجر

ينور نور يزيل

سواد قلبك

راح تنتهي يا هموم

و يجي الفرح

يدق الباب تدوب

وياه سنين حزنك

راح تنتهي يا عمر

كدا أو كدا

يبقى الشرف لو تنتهي

فدا أمك

أنا ابن مصر عمري

ما عرف الانكسار

أنا ابن مصر

و فين ماكون

و آخذ قرار

الروح تهون

ولا تهوني

و تبقى عزيزة يا أمي

أموت فداكي باختياري

عشان بحبك

عاش في قلبك

بانتصاري و انا بأقولك

أوعي يا أمي يكسرك

طول الأنين
دانتى عظيمة
بولادك المخلصين
و انتى اللي علمتى
الأمم أن لا تلين
الأولة أنتى
و الثانية أنتى
و الثالثة أنتى
الأم لنا كلنا
مصر لكل المصريين

مصر بخير

مصر بخير و المولى حاميهـا

أيد ثورتها و راعيهـا

شعبها حالف ليخليها

أم لكل الدنيا بجد

نجحت ثورة كل شبابها

و الظلم خلاص ولى وسابها

مصر حياتنا الكل حابيهـا

شايلين لها في القلب الود

هانت الروح و الدنيا عشانها

مسلم و مسيحي خدامها

واخدة الكل مابين أحضانها

دائما عيدها جمعة و حد
مهما قلوب العدا تنويلها
عمر شرورهم يوم ما تطولها
كل ولادها تحت علمها
الكل بييني مش بيهد
راح ننسي مطالبنا عشاتها
وإدينا في إدين بعض نصونها
مش ممكن أمانا هنيهنا
إذا كنا أولادها بجد
برضانا لربنا نرضيها
بعملنا نعلی نعليها
بمحبتنا على أراضيتها
تصبح أم الدنيا بجد

هتجنن عليك

هتجنن عليك أرجع بقى
عاشقة و ليك متشوقة
أسهر ليالي أعد النجوم
م الشوق عيوني ما يجيها نوم
قلبي و ظنوني ما ارتاحو يوم
م الفكر فيك و في اللقا
أحكي عليك ويا القمر
و اسأل عليك كل البشر
عنهم بداري لهفتي
و عيوني بيها ملألة
أرجعلنى ترجع ضحكتي

و تروح همومي و غربتي
تمسح بإيدك دمعتي
و عيوني يسعدها اللقاء
مستنياك كلي حنين
و القلب في بعدك حزين
تعبت من طول الغياب
امتى هيسعدنا اللقاء
هتجنن عليك ارجع بقى

عذرا رسول الله

حبيبي يا رسول الله عذرا
على ما يفعل المشركينا
قديما ما لاقيت كيدا
فرد اللي كيد الكائدينا
سلمت من الأذى و انت حى
و بعد مماتك النصر المبينا
يا أفضل من حملت به النساء
و عند اللي خير العالمينا
بنور الله أضأت الكون نورا
و كنت منه ختام المرسلينا
أسرت الناس بالخلق العظيم

و في صباك صادقا و أمينا
خيار أنت من نسل الخيار
وفي الإسراء إمام للمرسلينا
من الأديان كانت البشارة
بأنك خاتم المرسلينا
أسست دولة الإسلام عدلا
وقدت الدنيا للنور المبينا
برحمة منك قهرت كسري
و قيصرها عند المسلمينا
وصفت فما وفيت وصفا
و عجز فيك قول المنصفينا
هيهات يا دنيما رك شرا
للنيل عن حصن حصينا
هيهات يا أشرار غرب

فغدا لكم علم اليقيننا
بأن رسول الله خير
دعا الدنيا لخير ديننا
فمن أراد بالله مكرا
فالله خير الماكرينا
و غدا عليكم مكركم وبالا
و أمام رسولنا متذليلينا
فما يضير رسول الله رسم
و لا سب من كافرينا
و ليس بعد الكفر ذنب
و ما كرهت عيون الا عالينا
فما يحلو لكم فقولوا
فما ازددنا الا يقينا
بان رسول الله خير

دعا الدنيا لخير ديننا
و ما من مسلم سب نبيا
و ما استحققنا في الاسلام ديننا

الدنيا

الدنيا دايرة فرم فينا
نضحك لها تأسى علينا
على كل شريف دايماء دايسة
و لكل وضع لاديه بايسه
تكذب و تنافق تعالى أوام
تصدق و تواجه ليك ناسية
كام ثورة اتعملت للتغيير
لكن والله مفيش فايدة
انا هاتكلم انا مش هاسكت
سيبك م الحفظ لازم نفهم
قوم هز هالك و اتكلم

الحر ما يرضى يوم بهوان
و العبد ما يقدر يتكلم
انفض خوفك خليك مؤمن
الموت انك يوم تستسلم
والموت بيخلد ياما كثير
و كثير عايشين رب يسلم
بطل بقى تمشي جوه الحيط
على كل الحيط اكتب علم
فجر ينابيع الخير و النور
و سدود الظلم لازم تهدم
عملك عنوانك و إيمانك
ما تقولش انا هاعمل ايه يا افندم
إيدك في إديه نعدي بحور
بالعلم كثير راح نتقدم

ازاي بالواسطة تعيش في سرور

وابنك بالرشوة هيتسمم

ياالله نحارب نفسنا مرة

ياالله نفوق و نعيش اكرم

لا ألوم عليكى

أنا لا ألوم عليكى

فقد نبهتيني

أنا لا ألوم عليكى

فقد أخبرتيني

أنا لا ألوم عليكى

فقد علمتيني

نبهتيني ان لا أومن

لأحد حتى انتي

أخبرتيني أن لا أحد

يستحق حتى أنتي

علمتيني أن كل الخائنات

إمامهم انتي
و لذا أعترف أني الذي
كان أعمى
أنى الذى غالطت نفسى
و بت أهوى
أنى الذى سلمت نفسى
لمن لا تهوى
أما أنت فما أروعك
من كاذبة خاطئه ملكتي
أتعبتك فى اختلاق الأكاذيب
كى ترضينى
أجبرتك على ترك دينك
و دخول دينى
و لكن لا يجوز لنا

أبدا أن نلتقي
فلا أنا أعرف الكذب
و لا هو طبيعتي
و لا انتي تعرفين الصدق
و الكذب لن تتركي
و ها قد أراد الله كشف سترك
فاتركي اتركي ديني
و عودي سالمة
كما كنتي ألى دينك
و سادعو ربي
أن يسامحني
وأرجوه ربي
أن يعافيني

يا سعادة ال ...

يا سعادة المحافظ

ياللي مش فاهم و حافظ

ياللي قاعد في مكانك

وانت مش قادر تحافظ

ع اللي ليك و لا ع اللي ليا

من زمان و انا لسه حافظ

اللي مش فاهم و حافظ

عمره ما يبقى محافظ

يا سعادة ال

يا سعادة الوزير

ياللي أشغالك كتير

ياللي غرقان في الوزارة

قوم و لف تشوف كتير
انت حاسس بالمعلم
و الا غرقان في الفطير
انت بتلف المدارس
و الا نايم ع السرير
انت مش فاضي صحيح
ياه نسيت انك وزير
يا سعادة السفير
نائب الشعب المبجل
لما جيتنا قلت عنكم
راح أقول و أقول و أججل
قولتك أوعى لكلامك
قولتلي لكلامي سجل
و اما رحى البرلمان

سبتنا نهاتي ونعجن
وانت بان العز فيك
وابتدا جسمك يعجل
يا سعادة ال
يا فخامة الرئيس
زور دول كتير و هيص
سبنا لولاد الخسيس
ينفخونا ما احنا سيس
بص جوه زي بره
بص حبة ع العريس
الشباب اللي ناديته
و قولتله جايلك قميص
قام خرج و فرد قلعوه
رجعوه للكواليس

يا سعادة ال

يا سعادة المواطن

ياللي هاجج ياللي ساكن

او عى تحلم بالكرامه

ليل نهار لونك دواكن

امشى جوه الحيط وبس

اصل بره مفيش اماكن

حط عقلك جوه راسك

جوه جحرك فى اماكن

ليك ولا بنك والغلابه

او عى تحلم بالمساكن

وانتظر يوم القيامة

لينا فيها اكيند اماكن

رباعيات

لما تكون في مكان حساس
يتقربك كل الناس
تلقى 200 اعجاب على بوست
لو حتى المحتوى قلّ قاس
أما ياعيني لما بتبعد
تبعد عنك كل الناس
فيها ايه لو تبقى حياتنا
من غير كذب و زيف إحساس

رباعيات 2

يارب الأسعار في زيادة
و احنا عبيدك احنا غلابة
مش عارفين اخر و تعبنا
و محدش راح يعمل حاجة
لو نستاهل ربى عذابك
الرحمة عندك غلابة
ارحم ربى ضعف عبيدك
و ارفع عنا كده بزيادة

ياللي مني

واحشني ياللي مني

وبعدك غصب عني

دايبه فيك لأنني

لقيت فيك الأمان

و بحبك يا حبيبي

و الشوق آيد لهيبي

ياللي وهبت قلبي

احساسه بالحنان

يا اقرب من قلبي ليا

و حبيبي و نور عنيه

دا انت أغلى هدية

بعتهالى الزمان
باعشق نظرة عيونك
يا مسكني في جفونك
ليا رب يصونك
و يجمعنا المكان
يا قلب رقيق و صافي
و حزن جميل و دافي
نادي قلبي يوافي
يفتحك الأحضان
ساكن جوايا ياللي
مالك شمسي و ظلي
انا منك و انت مني
لا فراق و لا حرمان

متشكر

متشكر كتر خيرك
على كل عذابي معاك
لكن مش هاعرف غيرك
و لايمكن يوم هاتسأك
أديتك كل ما فيا
قلبي وروحي و عنيه
حبيتك حب زياد
و آخرها كبرت عليا
أتاريك كداب و بحبك
العيرة كبرت عليا
أنا أسف شغللك غيري

واحد يتسلي معاك
متشكر كتر خيرك
أديتك قلبي الماس
المليان بالأحاساس
و غرامك ليا لقيته
كان بس كلام و خلاص
إخلاصي الكامل ليك
و عشانك بعت الناس
نسياني سهل عليك
غيري كثير يتمناك
متشكر كتر خيرك
كنت تشاور تلاقيني
رهن اشارتك و معاك
لو تطلب ايه تلاقيني

جيبتوك و استناك
ياما استنيت احسانك
و الغالي بعته عشانك
مش ممكن بعد دا كله
يخدعني دمع عنيك
متشكر كتر خيرك
روحي و عنيه اتمنوك
و ف حضنك كل الراحة
اتاريك استاذ حنية
و رئيس القسم صراحة
من شوقي اليك بتألم
و ف بعدي تلاقي الراحة
ابعد بقى سبنى ف حالى

اجمل منك ذكراك
متشكر كتر خيرك
على كل عذابي معاك
لكن مش هاعرف غيرك
و لايمكن يوم هانساك

ياه ع الحياه

ياه ع الحياه واحنا سوا
نقول و نحكي عن الهوى
منك كلام أحلى كلام
في الحب ممكن أسمعه
مني سلام أجمل سلام
م القلب ممكن تسمعه
إيدي ف إيديك عيني ف عنيك
و الشوق بيأمر نسمعه
و انت ف حضني حنان ياخذني
ف نبض قلبي بتسمعه
و انا ف حضنك بلاقي قلبك

اللي في قلبي بيسمعه
ننسى اللي راح م الجراح
و أي حزن نودعه
و عد القلوب دايمًا تدوب
و الحب يوم ما نضيعه

أول إحساس

أول إحساس ليا بحبك
يامصر ياأحلى بلاد الكون
ياأمي ياواخداني ف حضنك
لو حتى في آخر الدنيا باكون
من صغري أنا بالاشرب من نيلك
بالنصر كلنا ندعيلك
مهما أبعد بالحن و اجيلك
و عشانك كل الصعب يهون
على صدرك بارتاح من همي
على أرضك بافرح وأغني
بين ناسك عايش متهني

و عشائك كل الغالي يهون
مش عايش اللي ما عاش فيكي
بحياتنا امنا نفديكى

و عشائك كل الصعب يهون
بحبك مهما تشوف عينى
ولا شيء عن حضنك يغينى
وبأسمك تحلى مواويلى
و عشائك كل الغالى يهون

الله يسامحك

الله يسامحك

على كل حاجة

حلوة فيا هديتها

عاشق ملامحك

لكن جراح القلب منك بلتقيها

بعد السنين و انا قلبي

خالي بقيت أسيرك

مبقتش أشوف ف الدنيا ديا حد غيرك

عايش على أمل اللقا و ابقى حلالك

و انتى معايا على هوايا

و الحياة إنتي اللي فيها

اللي يسامحك

حياتنا لحظة بلحظة
كنا فيها شركة
لو يوم يعدي علينا
بعد بتبقى ورطة
و نقضي طول الليل
كلام مليون بلهفة
و الليل يفوت و يادوب
حكايتك تبتيها
الله يسامحك
عشنا الغرام اللي محدش
عارفه غيرنا
كل الهوا واحنا سوى
بنشوفه فرحة
حتى الخصام لو كان

يجينا يدوب بلمسة
و اللمسة كانت من إيديكي
بلهفة إيدى تلتقيها
الله يسامحك
فجأة لقيت حالك
بيتغير معايا
من كلمه واحدة
تعملى مليون حكايه
و بقيت أحسك تكدي
و منتيش معايا
لأ ماتخفيش هابعد
أنا و عيوني يوم
مش هتشوفيها
الله يسامحك

العيلة

هيلة هيلة و هيلة و هيلة و هيلة

ياالله يااولاد العيلة

نتعاون مع بعض و نبني

بإدينا نعمل ضليلة

نعمل رابطة خير و محبة

علشان تبقى حياتنا جميلة

نتكلم مع بعض و نسمع

لكبيرنا تبقى الكلمة الأولى

بالعمل الصالح و التقوى

نبني نعلی و رب راعينا

نتسامح نتصالح نرضى

ما نقفشي لبعض على الحيلة
نتصافى مع بعض بكلمة
مش أيام وليالى طويله
دايما نظهر حسن النيه
مش كبر دا الكبر رذيله
نتكبر على بعض ازاي
واحنا كلنا نفس العيله
فى بلدنا يبقلنا مكانه
وتكون لينا الكلمه الاولى
لما نكون اصلا اخوات
ايد واحده وقلوبنا منيره
نبدأ صفحه جديده جميله

خالیه من الحقد وم الغیره

نکتب فیها باسم الله

معتصمین یا ولاد العیله

يا شباب

لأ يا شباب
لأ للتخريب لأ للأرهاب
مصر بلدنا و احنا أولادها
يلا نودع الأحزاب
الصدق فينا والخير مالينا
و العزم فينا و الحب زاد
الأمن احنا لو يوم دبحنا
خاين و ظالم و بجهله فاض
جيشنا حبيبنا واقف ساندنا
يحمي حدودنا كله جهاد
مسلم مسيحي أمي و أبويا

جد و جدة بنات ولاد
عقولنا واعيه ضمايرنا صاحية
دايما بنبعد عن الفساد
حافظين حقوقنا
عارفين طريقنا
طريقنا مصر ام الولاد
بنحبها والحب دين
وبروحنا نفدى ام البلاد
لا اى مذهب ولا اى دين
دعا للخراب وللارهاب
لا يا شباب لا للارهاب

التوحد

اللي خلقنا ربنا
متوحدين مع نفسنا
عالمنا لنا وحدنا
الخوف مالينا كلنا
الذنب دا مش ذنبنا
لكن الحياة من حقنا
ساعدو أبونا و أمنا
مدوا إيديكو تضمننا
الحق لنا في الحياة
و انتم تشيلو همنا
صعبة الحياة من غير حنان

حلوة قلوبكم تحبنا
أنتم لنا طوق النجاة
دا صوت ضميرنا و قلبنا
نقدر نساعد بالقليل
لما تكونوا عون لنا

أحلى حكاية

يجي ثلاثين سنه فانت عدت

و انا كاتم صوتي جوايا

كل إستفتا يضرب يقلب

و انا قاعد وولادي معايا

حتى أبويا و أمي و أختي

و أخويا المدعوك برحايا

أنسى يا عم هي بلدنا

دي بلدهم منناش فيها غاية

اللي يعوزه الرئيس يحصل

و الرجالة اللي بالي بالك

بيصوتوا عن كل ولاية

الصناديق اللي بتتبدل

و الوجّهات اللّٰي بتتعدّل
تشهد ع الزور آية بأية
ياما شالت أصوات أموات
واللي في إيديهم ياخدوا رشايا
إشي أموال و إشي أعمال
و إشي خدمة أو حتى هدايا
و انا قاعد باتفرج و ابكي
حتى البكا صوته جوايا
ليكون حد معدي يشوفني
و يبلغ زوار الليل
ياخدوني و الدنيا طواريء
و اولادي مساكين و ضحايا
لكن فجأة و بعد الثورة
إتغيرت و عيلتي معايا

جه الإستفتاء

رحت اخدت ولادي معايا
و قابلت هناك أمي و أبويا
و أخويا و أختي الأمية
كل الشعب المصرى اتحرر
رددت فيه الروح ويايا
طلع الصوت من تانى وجلجل
واتصالحت ايامى معايا
لا في حد يقولى قول اه
ولا حد يقولى قول لا
ولا حتى فيه أمن ورايا
ماهو مش فارقه لأ وآه
اللى بيغرق شيء جويا
انا وانت ومعانا الله

هنعمر مصر القمرايا
بالحرية والوطنيه
والخير الساكن جوايا
بالكلمه والعمل الصادق
تفضل مصر احلى حكايه

إمياي بلدنا

إمياي بلدنا بنحبها

إمياي بلدنا

عاشقين ترابها و أرضها

إمياي بلدنا

بلد الأمان طول الزمان

دايما عظيمة بأهلها

إمياي بلدنا

بلد الرجال عزم و جمال

دايما كريمة بطبعها

إمياي بلدنا

شباب أمين ناس مخلصين

بيعلوا دائما شأنها

إمياي بلدنا

فيها الموالح تاجر مكافح

دايما يزود دخلها

إمياي بلدنا

فيها المزارع و النخل طارح

و الكل عارف شغلها

إمياي بلدنا

دنيا و دين حب و حنين

دايما عزيزة بأهلها

إمياي بلدنا

زي الهوى

زي الهوى

تحييني لما أتنفسك

زي النداء

تورد خدودي لمستك

زي القمر

تحلى الليالي بطلعتك

ياللي في حياتي

ما شفت حد في رقتك

ياللي في عيوني

نورها هو محبتك

ياللي حياتي

همسي و سكاتي كلمتك
يا نور و نار
شوق وانتظار في سكتك
نبح الحنان
أمن وأمان في ضحكك
نبض قلبي
نهر حبي في دنيتك
بدوب و باعشق
كل حاجة في دنيتك
بنام و باصحي
واعيش حياتي بصحبك
بغير عليكي
واعشق وجودي في دنيتك

بحبك يا أمي

ياللي دقة قلبك
هي أول صوت سمعته
ياللي إسمك هو
أول صوت نطقته
ياللي صوتك
هو أجمل صوت بحبه
ياللي حبك
هو روحي و هو دمي
بحبك يا أمي
بحبك يا أمي
حضن دافي يضمني
بحبك يا أمي

قلب صافي يحبني
بحبك ياأمي
عين محبة بتحضني
بحبك ياأمي
إيد حنان للأمان بتشدني
بحبك ياأمي
كل يوم أكثر
من اللي بيسبقه
و بادعي أكونك
حلم ربي حققه
بعد الإله
ماحد غيرك أعشقه
ياللي إحسانى إليكى
عشانه ربي يحبني

ماما وبابا

احلى واغلى واجمل ناس

ماما وبابا

ماليين كل حياتنا حماس

ماما وبابا

ماما حبيبتي وست الكل

فالعتمه وفى النور بتطل

فأديها الرحمه اما تطبطب

فى عنيتها النور لما تهل

من غيرها نعيش والله غلابه

بابا حبيبى وسيد الكل

فى العتمه وفى النور بيطل

فأديه الرحمه اما يطبطب

فى عنيه النور لما يهل

من غيره نعيش والله غلابه
ماما فى بيتها قمر وناس
واحنا نجوم حوالىها نغنى
تضحك تملأ الدنيا زهور
تبكى دموعنا على طول تجرى
من غيرها نعيش دنيا كئابه
بابا فى بيته قمر وناس
واحنا نجوم حوايه بنغنى
يضحك يملأ الدنيا زهور
يبكى دموعنا على طول تجرى
من غيره نعيش دنيا كئابه
ماما حبيبتي وبابا كمان
ماليين كل حياتنا امان
لو كل الناس اسبوا علينا
ماما وبابا نبع حنان

مالیین کل حیاتنا سعاده
احلى واغلى واجمل ناس
ماما وبابا

مستحيل

مستحيل انسى هواكى
فى يوم وليله
مستحيل لو حتى
فاتوا سنين طويله
انسى مين وازاى وليه
انسى روحى انسى نفسى
انسى يومى انسى امسى
انسى بكرة اللى بستناه معاكى
حتى لو حاولت او فكرت انسى
قولى بس ازاي راح اقدر
انسى رقة قلبك المليان محبه
واللى كل نبضه منه
تملا كل الكون موده

لو نسيته انسى نفسى
يبقى بس ازاي راح انسى
وانسى ليه اذا كنت عايش
بس للحب اللى بنا
روحى ليك والروح شويه
روحى فيك اعطف عليا
حتى لو هيبغنى قلبك
او قدر ينسانى فتره
مستحيل والمستحيل
حبي ليك يبقالى ذكرى

آه يا قدس

والله العين بتدمع
والقلب كمان بيحزن
على كل اللي بيحصل
فيكى يا ارض القدس
دا حلال والله حرام
الطفل يموت عطشان
والام من الالام
تصرخ متلاقى حس
راح فين غصن الزيتون
وفين شجر الليمون
عربى ينادى السلام
ويهودى يهد عش
يا صلاح الدين تعالى

احنا اتبعنا كلاله
وعلىنا خلاص تعالى
اللى على الكون اخس
مسلم عربى ومسحى
يحكى ويقول تاريخى
القدس دى عربيه
عربيه ارض القدس
اصرخ واحمل سلاحك
فى وش اللى استباحك
جاهد واثبت وجودك
متقولش كلام وبس
الله بنصره راعيك
وبقدرته يحميك
بس تجاهد عشانه
مش بس ارض القدس

الشاعر فى سطور



محمود عواد البكرى

مواليد 1970-11-24

المؤهلات :

ليسانس آداب وتربية قسم اللغة العربية

دبلومة خاصة فى التربية الخاصة

مدرب معتمد فى التخاطب - لغة الإشارة

التربية الخاصة

وكيل إدارة تعليمية

الواتس على رقم / 01211335773

صدر له :

غواص فى بحر الألم عن دار النيل والفرات 2018

محتوى الكتاب

2	بطاقة الكتاب
3	مقدمة الديوان
4	الإهداء
5	آه من الأحزان
8	مليش غيرك
10	لا
12	نداء
14	يحميكى يامصر
16	ياابن مصر
19	رمضان
22	إلى المرأة المصرية
23	عزيزى
25	مش عارف أعيش
27	التحدى
28	نور الأمل

30	صرخة
32	بسم الله الرحمن الرحيم
34	الدنيا
35	مصر لكل المصريين
38	مصر بخير
40	هتجنن عليك
42	عذرا رسول الله
46	الدنيا
49	لا ألوم عليكى
52	ياسعادة الـ
56	رباعيات
57	رباعيات 2
58	ياللى منى
60	متشكر
64	ياه ع الحياه
66	أول إحساس

68 الله يسامحك
71 العيلة
74 ياشباب
76 التوحد
78 أحلى حكاية
82 إميأى بلدنا
84 زى الهوا
86 بحبك يا أمى
88 ماما وبابا
91 مستحيل
93 آه ياقدس
95 الشاعر فى سطور
96 محتوى الكتاب